

Անտվոր այս՝ *Քիժ* անվանը անձը Ա. Շահինյանի ենթադրությամբ՝ «հավանաբար խաչքարը կերտող վարպետի կամ արձանագրության գրչի անունն է»: Քիթը և՛ վարպետն է, և՛ գրիչը:

Շ Ն Ո Ղ

Շրջանի հնագույն գյուղերից է: Շրջապատի ավերակված բնակավայրերից ու դամբարաններից հայտնաբերված մշակութային ժամանգության բազմազան գտածոները վերաբերում են բրոնզի և երկաթի դարաշրջաններին:

Շնողը հռչակված է հատկապես իր ամրոցով, որը հայտնի է Կայծոն անունով: Գտնվում է գյուղի հյուսիսային եզրի դարավանդին, Դեբեղի կիրճի բանուկ ճանապարհի ակտիվ տեսողաշտում: Ներսում կան ավերակներ, կիսավեր բազիլիկ եկեղեցի: Դավիթ Քորայրեցին իր «Անկնության» ընդարձակ հիշատակարանում ամրոցը համարում է *զանառիկն ... զԿայծոն*:⁴⁰ Նվաճել են սելջուկները, թաթարները, բայց իբրև ամրոց գործել է մինչև ժժ դ. վերջը:

Գյուղում կան նույն դարում վերակառուցված թաղակապ երկու եկեղեցի, մատուռներ, խաչքարեր, իսկ շրջակայքում՝ բազմաթիվ բնակավայրեր, ավերյալ աղոթարաններ, գերեզմանատներ, բովեր-ծակեր՝ պղնձափանջեր: Շնողից 3 կմ հարավ, անտառի մեջ մնում է Սանսաևի վանքը, որի երեսակալ քարերը պոկել ու դպրոց են շինել 1930-ական թվականներին: Կա նաև կամուրջ, Կարմիր Վարդան կոթողը: Գյուղամիջի Ս. Գևորգ եռանավ, հողածածկ եկեղեցին վերանորոգել են էրզրումցի վարպետները 1893 թ., իսկ Ս. Սարգիսը՝ 1894-ին:

532. ԽԱՉՔԱՐ. Կայծոն ամրոցի հարևանությամբ, ճակատին և խորանի կամարաղեղի անկյուններում, 4 տող.

ԽԱՉՔԱՐ

ՄԲ ՏԵՂՈՒՆԱԿԱՆ ՈՂ-
ՈՐՄԵԱ ՎԱՆԵՆԷ:

ԵՊ

ԹՎ ԻՆՂՈՅ Ա (1222):

Դրատ. Շահինյան, ԶՍԿ, 41, Շախկյան, Լոռի, 128:

Ծանոթ. Այստեղ 3 խաչքարեր են ներառված կամարի տակ: Դրանք պարզ, դասական գուսպ մշակումով կոթողներ են. կոթունից վեր են ձգվում իրար չկրկնող բուսազարդեր, իսկ խորանի կամարից կախված են խաղողի ողկույզներ ու նոան պտուղներ: Խորաններից վեր բավականին լայն մակերեսները մշակված են խաչերով ու հյուսկեն հատող զարդերով: Արձանագրությունը հարավային եզրի խաչքարի վրա է:

533. ՏԱՊԱՆԱՔԱՐ. Նախորդ խաչքարի առաջ, 1 տող.

ՎԱՆԵՆԷ ՎԱՆԵՆԷ

Դրատ. Շահինյան, ԶՍԿ, 41, Շախկյան, Լոռի, 128:

Ծանոթ. Խաչքարն ու սալատապանը վերաբերում են նույն անձին: Ա. Շահինյանի ասելով, «սա հավանաբար Ասնահնի հռչակավոր կամուրջը շինող, Ջաքարե և Իվանե եղբայրների քույր և Աբաս Կյուրիկյան թագավորի կին Վանենին է»: Այս կարծիքը զուրկ է որևէ հիմքից: Ջաքարյանների քույր Վանենին թաղված է Հաղբատավանքի ժամատանը, Կյուրիկյանների տապանատանը: Այս Վանենին շնողի է:

⁴⁰ Հայերեն ձեռագրերի հիշատակարաններ, Ե-ԺԲ դդ., էջ 223:

534. *ՏԱՊԱՆԱԹԱՐ*. Եգիպտոսի մոտ, 2 տող.

ԱԻԵՏԻՍՓԱՅԱՆԱ
ԹՎ:ՈՒԽԷ:

ԱԻԵՏԻՍ ՔԱՅԱՆԱ:
ԹՎ[ԻՆ] ՈՒԽԷ (1198):

535. *ԽԱՉՔԱՐԻ ԲԵԿՈՐ*. գյուղից հարավ-արևելք, «Կարծախ» գյուղատեղիում, գեղագիր խոշոր տառերով, 3 տող.

ՆՅԷԲԻ
Ս

.....
[ՅԻՇ]ԵՑԷԲ Ի
ՔՍ:

536. *ԽԱՉՔԱՐԻ ԲԵԿՈՐ*. Ենոյն տեղում, թիկունքին, 2 տող.

...ՅԻՇԵՑԷԲ ...ՐԴ
Ս ...ԹՎԻՆ Զ...
ՀՊՎԱ

Ե Ո Ե Կ Ա Ն

Տարածքի հնագիտական հուշարձանները, բնակավայրի ավերակները, քառակող կոթողների բեկորները վկայում են նրա ժամանակագրական ընդգրկումների մասին:

Գյուղի հարավային կողմում մնում է երկու մուտքով միանալ սրահավոր Ս. Աստվածածին եկեղեցին, որի ծածկը նստում է հանդիպակաց երեք գույգ որմնամույթերը իրար կապող կամարների վրա: Կարևորվում է «Աղեգի» մատուռ-սրբատեղին. խաչքարերով գերեզմանոցը և 3-4 կմ արևմուտք գտնվող վանական երկու համալիրները:

Շփրթնավանք. Ավերակները գտնվում են գյուղից 4 կմ արևմուտք, ճոճկան գետակի ծախակողմյան անտառի եզրում: Կոպտաքարով շարված են գլխավոր՝ թաղակապ եկեղեցին և կից մատուռները, որոնց աղյուսաշար թաղերը, պատերի վերին մասերը փլված են: Վանքի պատերին, թափված սվաղի մնացորդների, խաչքարերի ու տապանաքարերի վրա հիշատակագրություններ չեն նկատվել:

Նահատակի վանք. Գտնվում է Շփրթնավանքից (նաև՝ Չփրթնավանք) 1,5 կմ հարավ-արևմուտք, Ենոյն գետի աջափնյա դարավանդի վրա, անտառի բացատում: Գլխավոր ու երկրորդական եկեղեցիները Ենոյնպես թաղակապ են՝ շարված ճեղքած քարով ու կրաշաղախով: Վերջինիս վրա եղել է զանգակատուն, որն այժմ փլվել է: Հուշարձանախումբը հիմնականում կանգուն է՝ շրջապատված կիսավեր պարսպով: Տարածքում կան բուսական, երկրաչափական և կենդանական քանդակներով խաչքարեր՝ գուրկ գրավոր հիշատակությունից:

Վանքից մի փոքր հարավ, պարսպից դուրս կա մի փոքր մատուռ՝ ներսում որմնախաչ, որի քանդակներից աչքի են ընկնում թռչնազուլիս-սֆինքսամարմին քանդակները:

Որմնախաչը ևս հիշատակագրություն չունի և բնորոշ է ժԷ դարին: Կրում է սուրբ Նահատակ անունը: Վերջին դարերում ճոճկանը եղել է ազնվական Լորիս-Մելիքյանների կալվածքը, որոնք որոշ բարեփոխություններ են արել գյուղում: